



# Bakgraon Infomeisen

## Blong wan Skul-Beis Komputa Lab mo Intanet Komuniti Senta (CLICC) Program:

**Blong impruvum use blong ICT long olgeta student, tija, ol skul administreira, ol man mo woman lo ol komiuniti wei stap kolosap, mo ol smol bisnis long process blo edukaesen mo impruvum olgeta social mo bisnis actitiviti lo komuniti.**

Oli setemap wan program blong Vanuatu Gavman blong provaedem fanding blong ol skul komputa lab we bae oli sevem tu ol komiuniti wetem akses long Intanet. Bae oli kolek ol fasiliti ia CLICC we hemi minim skul-beis Komputa Lab mo Intanet Komuniti Senta.

DFAT tru long Australia-Vanuatu Governance for Growth (GFG) Program nao hemi fandum program ia. Ofis blong Jif Infomeisen Ofisa blong Gavman (OJIOG) long Ofis blong Praem Minista nao hemi provaedem polisi gaedens. Telekomunikeisen mo Radiokomunikeisen Reguleita (TRR) nao bae hemi implimentem program ia.

Hemi wan paelot program mo bae hemi kavremap 15 skul raon long kaontri.

Anda long CLICC program ia, evri skul long Vanuatu oli save aplae blong wan **wantaem grant** we amaon blong hem I save kasem long 3 milian vatu. Bae i nogat eni moa fanding afta we bae oli provaedem fesfala grant ia. Oli save yusum grant ia blong pem ol komputa, bildim wan rilaeabol paoa saplae, karem intanet akses, trenem ol tija mo kavremap ol narafala kost. Bae i nid blong skul mo komiuniti oli mekem ol impoten samting ia blong mekem se projek i wok:

- Setemap wan skul komiti we i aktiv, i tekpat mo i glad blong wok blong mekem se CLICC bae hemi wok gud. Hed blong komiti ia mo/o prinsipol blong skul bae i nid blong saenem wan kontrakt blong pruvum se oli kasem asistens mo komitim olgeta long projek.
- Raisem sam fand blong kavremap samfala kost blong projek mo soem se bae skul mo komuniti oli komitim olgeta long projek ia.
- Mas aktiv blong bildim CLICC mo provaedem wan suitebol skul rum blong lab, we projek bae ino pem rent blong hem (i oraet blong yusum ol komputa long skul laebrari).
- Mekemsua se CLICC hemi open long pablik afta long ol skul haoa long aftanun blong komiuniti i yusum mo bae i gud sipos i fri o bae oli pem smol fi nomo.
- Provaedem pruv se skul i onem mo konfemeisen se i nogat raorao long graon we skul i stap long hem mo lokeisen blong CLICC.
- Provaedem plan blong mekemsua sei CLICC bae e sustainable.
- Provaedem volontia o pem ol staff blong monitarem yus blong komputa lab long ol haoa we hemi open long pablik.
- Kipim ol stret rikod blong ol ekwipmen mo fanding mo mekemsua se oli mekem ripot e ko lo TRR oltaem.
- Faenem ol man we oli save instolem, mentenem mo ripperem ekwipmen mo ranem CLICC komputa lab. Hemi ol tija, lokol volontia, Pis Kop o nara IT Volontia, yang pipol we oli save gud ol komputa, aotsaed kontrakta o ol narafala man.
- Yusum lab mo ol risos blong krieitem lokol kontent long ol lokol langwis mo Bislama blong oli yusum blong tij mo shearem wetem ol narafala skul mo komiuniti

- Ripotem oltaem progres blong projek long TRR, wanem hemi wok mo wanem hemi no wok mo evaluateitem ol sakses mo felia blong implimenteisen.

Sipos yu rili intres long wan projek olsem CLICC blong skul mo komiuniti blong yu, fulumap CLICC aplikeisen mo sendem i ko long TRR long kontakt infomeisen ia bifo: **4:00 pm long Fraedei, 18 July 2014.**

Grant Aplikeisen Fom ( UAP)

Telekomunikeisen & Radiokomunikeisen Reguleita

P.O. Box 3547

Port Vila, Vanuatu

Tel: 27621 Faks: 27440 Imel: [almawensi@trr.vu](mailto:almawensi@trr.vu) or [jeffreytila@trr.vu](mailto:jeffreytila@trr.vu)

Aplikeisen proses blong ol grant ia bae hemi olsem:

1. Bae oli evaluetem ol proposol folem kwaliti mo sakses blong olgeta
2. Bae oli askem long ol 15 o so saksesful apliken we oli kasem hae reit blong oli tokbaot mo negosieitem wan faenol plan mo saenem wan kontrakt we i kavremap projek ia
3. Bae oli givim ol awod mo bae eksekusen stej bae hemi stat
4. Ol aplikeisen we oli no saksesful olgeta bae oli kipim olgeta long fael in kes i gat moa fand bae i availebol long fiuja.

Blong statem proses, plis fulumap infomeisen lo CLICC aplikeisen fom.

## **SKORING**

E kat wan komiti wei e setup blo selektem ol aplikeisen. Komiti ia oli kolek, Grant Riviui Komiti (GRC), mo hemi medap lo Telekomunikeisen & Radiokomunikeisen Reguleita (TRR), Jif Infomaesen Ofisa blong Gavman (OGCIO) mo Direikta blong Australia-Vanuatu Governance for Growth(GfG) program. Bambaie komiti ia e assessem olgeta aplikeisen follem skoring kraeteria ia:

Level blong komitmen we skul mo komiuniti oli soem:	20%
Pesentej blong grant fand we oli matchem wetem lokol fan mo/o "soft match" ”:	20%
Posibiliti blong long tem, sastenebol sakses:	20%
Akses long ol staf we oli kasem trening long saed blong komputa, paoa, mentenens mo opereisen:	20%
Soem blong developem lokol edukeisonol mo kaljurol kontent long lokol langwis mo long Bislama:	20%
<b>Total:</b>	<b>100%</b>

Antap long hem, oli save riviuiim ol aplikeisen folem distribusen blong olgeta long ol aelan mo distribusen folem hae, medium mo low level blong difficulti blong alowem ekwal akses blong opotuniti ia mo blong mekemsua se i gat wan hae level blong sakses. Oli stap lukluk blong jusum sam paelot skul long ol veri rimoted eria, sam long ol remote eria mo sam long ol eria we oli no stap longwei tumas long ol taon. Ol skul long eria blong taon we oli advans long saed blong ICT mo oli gat ol komputa lab we oli wok fulwan finis bae oli no save karem grant ia from mein tingting bihaen long grant ia hemi blong inkrisim broadband akses mo yus blong komputa long ol eria we hemi had blong sevem.

Yu save kontaktem TRR blong oli helpem yu wetem ol kwesten mo komen long fom ia bifo dedlaen.

Tangkiu mo gud lak!